

بسم الله الرحمن الرحيم

الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد

قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عليهن قلب مسلم : إخلاص العمل لله ، و مناصرة ولاة الأمر ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و أتته الدنيا و هي راغمة

الراوي : زيد بن ثابت - **المحدث :** الألباني - **المصدر :** صحيح الترغيب - خلاصة حكم المحدث : صحيح

تفريغ موضوع ال Acid base balance للدكتور أحمد موافي من مراجعة ال nephrology

بسم الله الرحمن الرحيم

السؤال الرخم أووووي الي هو ال Acid base balance ونكتب جنبه اصعب موضوع في الباطنة
ال acid base balance

اكاد ادعي انه مش مكتوب حلو في اي source

ولا pre graduates ولا Post graduates ولا مصري ولا اجنبي

الموضوع ده بالذات مش تلاقيه مكتوب حلو في اي source

وموضوع من المواضيع الي دايما بتنشر حلك وتلاقي نفسك دايما بتنساها مش مركز فيها زي ال arrhythmias بالظبط
ده ليه ؟؟؟؟

😊 عشان لسه ال in capsule series منزلش في الموضوع ده 😊

هنبداً على بركة الله في ال Acid base balance

عندنا فيه

Two organs

في جسمنا هما دول الي بيضطوا ال PH

ال PH ميصحش انها تتغيرلازم تبقا ثابتة

لكن عندنا فيه اتنين Organs وظيفتهم انهم يثبتوا ال PH

VISIT...

LANZAROTE
Caliente.COM

ال Organ الاول التي هو ال Lung ...الرئة

وده ييظبط ال PH بسرعةبس مبضطهاش أوي
بس ميزته انه ييضطها بسرعةيعني علطول يوم ما تلاقي ال PH يتخلل عنديتلاقي التنفس اشتغل صلح المسائل دي

العضو الثاني ... اللي هو العضو الأساسي هو الكلية طبعا

يبقا عندنا فيه two organs هما دول اللي بيتحكموا في ال PH هما اللي بيضبطوها
هما اللي بيعملوا control
ال lung وال Kidney
ال kidney هي الاساس لكن المشكلة في ال Kidney هي ايه ؟؟؟؟ انها عشان تضبط ال PH محتاجة فترة طويلة اوووي ..يوم كامل مثلا

يوم كامل يكون المرحوم الله يرحمه مات من زمااااااااااان

فالحمد لله اننا عندنا الرئة وعندنا الكلية
لو اي واحدة من دول باظت هيحصل ايه؟؟؟؟
يعني لو ال Lung باظت على حسب المرض الي هيجي في ال Lung لاما هيحصل respiratory acidosis او respiratory alkalosis
لو ال kidney الي باظت بيقا Metabolic acidosis او metabolic alkalosis
نتقل على الكلام ده شوية ونفهم القصة في الاول

نبدأ بالبرئة

الرئة ازاى بتتظبط ال PH؟؟؟؟
كالآتي

لما انا دلوقتي بيقا عندي Acidosis بيقا الأحماض ايه ؟؟ الأحماض عالية اوووي
ال PH قليلة يعني الأحماض عندي عالية اوووووي
عنندا المادة مهمة جدااااا اللي هي CO2 ... غاز ثاني أوكسيد الكربون
غاز ثاني أوكسيد الكربون مصدر مهم جدا من مصادر الأحماض في الجسم ولكن لا يستطيع أي عضو في الجسم يخرجها إلا الرئة
يعني هو لا يخرج إلا عن طريق الرئة
فهنا أول ما الأحماض عندي تزيد
علطول الرئة تشتغل تخلصنا من ايه ؟؟؟ من ال CO2
أنا دلوقتي عندي Acidosis علطول تلاقي الرئة ايه يا جماعة ؟؟؟ بتشتغل
ال respiration بيشغل جامد جدا جدااااا عشان يعمل wash لايه ؟؟؟ لل CO2
إذا ال CO2 خرج بره الجسم إذا الأحماض ايه ؟؟؟ تقل ... لأن ال CO2 ده هو اللي بيكون حمض الكربونيك أسيد ..صح ولا انا غلطان
عشان كده لما بيحصل Acidosis تلاقي علطول بيحصل stimulation of respiratory centre يقوم يحصل ايه يا جماعة ؟؟؟
wash of CO2 ... وال CO2 ده مهم في تكوين الأحماض ... تقوم الأحماض تقل بدأت با Acidosis وانتهيت ب Alkalosis
لأن الأحماض دي قلت
بسبب مين ؟؟؟ الرئة وفي سرعة جدا العملية دي
حتى ال Acidosis ببخلي ال respiration ايه ؟؟؟ deep and rapid عشان يعمل wash لل CO2
والعكس بالعكس

لما يبقى انا النهاردا عندي alkalosis يعني الاحماض ايه؟؟؟ قليلة
يقوم يحصل ايه في ال respiratory centers ؟؟؟ Inhibition
يقوم يعمل ايه بقا؟؟؟ retention of CO2 .. يقوم ال CO2 عندي يزيد تقوم الأحماض تزيد تقوم تعوض ال Alkalosis
شوف حاجة سهلة جداااااا دا دور ال Lung ودا دور ال respiration
لكن مشكلة ال Acid base balance مش هنا
مشكلة ال Acid base balance فعلا في ال kidney
هي دي فعلا اصعب حنة
لما انا كنت بقولك موضوع ال acid base balance صعب انا كنت اقصد الدور بتاع ال kidney
عشان بقا نعرفها ومنشعش طول عمرنا
تعالوا نقولها كقصة وحدوتة ودي فعلا اجمل حنة وتركزوا معايا تركيز غير عادي
لان دلوقتي هنقول حدوتة ال Acid base balance

Acid base balance حدوتة ال

أي حدوتة أو أي مسلسل في الدنيا يبقى له أبطال
فقبل ما ندخل على الحدوتة لازم نقول الأبطال
عندنا اللي هيمثل المسلسل ده أربع أبطال
كام بطل ؟؟؟ 4 أبطال
البطل الأول اللي هو هيبقا الصوديوم.... والصوديوم هياخد دور الزعيم ... يعني اكتب جنب كلمة الصوديوم الزعيم
وبعدين عندنا ايه كمان
البوتاسيوم والبوتاسيوم ده نكتب جنب منه كده المغلوب على أمره بالعربي جنبه في كتابك لو سمحت
وبعدين
الهيدروجين ... hydrogen ions ونكتب انه بيبقا ايه؟؟ الشهم وهنفهم يعني ايه كمان شوية ان شاء الله
وبعدين
ال HCO3 ... اللي هو البيكرب ونكتب عليه المحظوظ

يبقا أبطال المسلسل اللي هنعمله دلوقتي عشان بقا متنساش ال Acid base balance خالص بقا
الصوديوم ده الزعيم
البوتاسيوم ده المغلوب على أمره
ال H ions ده الشهم
ال HCO3 ده المحظوظ

ونبدأ المسلسل
المشهد الأول

المشهد الأول ده هيدور فين بقا؟؟؟؟
هيدور هنا هنا فين؟؟؟ في ال lumen بتاعت ال tubules
ادي كده هنبدا المشهد الأول ال Lumen ونازل ال urine اهو واخدين بالكم
وادي ال lumen اهو وهنا طبعاً الخلايا بتاعت ال tubules اللي عن طريقها بيتم ال re absorption وال secretion والكلام ده كله
وبدا المشهد الأول ينزل مية كده نازلة ... urine طبعاً ... ونازل مين؟؟؟
طبعاً بداية المشهد الاول بتاعي ... الزعيم نازل

مين الزعيم؟؟؟ الصوديوم نازل في ال Urine ده الزعيم
هل ينفع الزعيم ينزل في ال Urine في الشارع!!!! لا
يقوم الزعيم يقول ايه ده !!!
انا لازم ارجع الف في الجسم ثاني
يا صوديوم ما خلاص بقا
لا انا الزعيم يقوم يرجع ايه؟؟؟ يحصله re absorption
هو فيه سؤال مهم...ليه الصوديوم مش عايز ينزل؟؟؟ ليه عايز يرجع؟؟؟ أصل يقولك الصوديوم ده بقا عايز يرجع ثاني ... لأنه بيلف في اللفة الأولى
حب مين ♥♥♥؟؟؟ حب البيكربونات
فيقوم يقولك الصوديوم يدخل ثاني عشان يقابل البيكرب
انتوا واخدين بالكم؟؟؟ 😊
فيقابل ال bicarbonate يلتصق ويقترب بالبيكرب عشان يكون ليا صوديوم بيكربونات
على فكرة الصوديوم بيكربونات ده
هو اللي بيمثل ال reserve بتاع ال alkaline اللي عندي
خلاص
الصوديوم داخل...هل الجسم يقدر يكلمه؟؟؟ هل ال Kidney تقدر تكلمه؟؟؟ لا دا الزعيم
انا داخل
خلاص يا صوديوم محدش يقدر يكلمك اتفضل يا زعيم روح للبيكرب
وخلاص
وبراحة جدا ال kidney تقول للصوديوم انت موجب معلش الجسم كده هيبوظ
لازم ننزل حاجة موجب
يقوم يدوروا 😊 مين اللي مغلوب على أمره؟؟؟ البوتاسيوم
يا بوتاسيوم انزل انت موجب انزل
البوتاسيوم مغلوب على أمره يا جماعة انا مممم....انت لسه هترغي انزل وبطل كلام كثير نفذ الأمر وبعدين أتظلم 😊 انت مغلوب على امرك انزل
يقوم البوتاسيوم فعلا ينزل..لكن احيانا بقا
يبقا البوتاسيوم يحصل مواقف حرجة بقا ... تلاقي البوتاسيوم قليل ... يعني Hypokalemia انزل يا بوتاسيوم ...دا مغلوب على امره ... يقوم
يعيط بقا 😊 😊 انزل!!!!!! دا انا قليل اووووي انزل اروح فين اكر من كده؟؟؟؟ دا انا خلاص دا انا قليل اووووي
لو قليلت الجسم ممكن يموت بسبب ال arrhythmias اقل ازاى؟؟؟
انا الزعيم مليش دعوة انزل
يقوم مين اللي واقف بقا بعيد يا جماعة؟؟؟ يشوف المنظر ده؟؟؟؟ الشهم
الي هو ال H ions
يقوم يجري جري على البوتاسيوم ويضطرب عليه متزعش يا بوتاسيوم انا شايف المنظر
انا شهم انا رجولة ... انا هانزل مكانك
عشان كده
توافقوني في الجملة الي هاقولها دلوقتي؟؟؟؟
جميع حالات ال hypo kalemia تؤدي إلى Alkalosis صح ولا غلط؟؟؟ جميع حالات ال Hypo kalemia هتخلي الشهم ينزل مكان
البوتاسيوم
يقوم جميع الحالات ال hypo kalemia تجيب ايه؟؟ alkalosis
ادي اول موقف بيان فيه اد ايه ال hydrogen ions في منتهى الشهامة
لكن دا لسه
شوف بقا الشهامة هتبان فعلا في الموقف الثاني
ال H ions وهو نازل ... اولاً وهو نازل كده في السكة يقوم قايل للبوتاسيوم كلمة
يا بوتاسيوم يا بوتاسيوم يا بوتاسيوم .. وهو نازل بقا

يقوم البوتاسيوم بقوله ايسيسيسيسيس انت رجعت في كلامك ولا ايه ؟؟؟؟
 ال H ions يقول لا ... انا شهم عمري ما ارجع في كلامي ... لكن يا بوتاسيوم ابقا افتكرها
 افتكرها
 البوتاسيوم يقول يعني ايه ؟؟؟؟
 ال H ions : يقول أنا نزلت وانت قليل ...يوم ما تعالى ويبقا فيه Hyper kalemia انا مش هانزل بقا صح ولا انا غلطان
 عشان كده توافقوني في الجملة اللي هاقولها دلوقتي
 جميع حالات ال Hyper kalemia تعمل acidosis
 ساعات في الامتحان يقولك ايه
 ال hypo kalemia ليه بتعمل alkalosis ؟؟؟ قوله لأن ال H ions شهم
 يقولك طب ليه ال Hyper kalemia بتعمل Acidosis ؟؟؟ قوله لأن البوتاسيوم بيبتكر الكلمة اللي الهيدروجين قالهاو قبل كده (ابقا افتكرها
 (هو فعلا بيبتكرها
 واخدين بالكم
 المهم ال H ions الشهم نزل اهو
 شوف بقا الموقف الثاني اللي هيبين اوووي اد ايه الشهامة
 وهو نازل في ال tubules مكان البوتاسيوم.... ال H ions نازل اهو ال H ions معروف عنه انه toxic لل tubules يدمر
 ال tubules
 لو أنت مكان ال H ions ... بالله عليك لو انت مكان ال H ions دلوقتي
 وانا دلوقتي نازل بره الجسم خالص
 هل لازم اسيب ذكرى حلوة في الجسم ؟؟؟ ليه ؟؟؟ انا هاسيب الجسم خالص ما يولع الجسم
 انا toxic ياعم لل tubules ما تبوظ ال tubules انا مالي
 لا شوف الشهامة بقا
 يقولك لا
 وانا نازل بردو عايز اسيب ذكرى حلوة
 يقوم ينادي ال NH3 يا NH3 تعال نتحد مع بعض عشان يكونوا الامونيوم اللي هو ال NH4
 أصل ال NH4 أحن على ال tubules من الهيدروجين
 انت واخذ بالك
 الهيدروجين وهو نازل ... تعال يا NH3 أصل أنا Toxic
 فتعال نكون الامونيوم عشان نبقا حنينين على ال tubules
 انتوا واخدين بالكم ده المشهد الأول
 المشهد الاول بكل اختصار
 الصوديوم يدخل البوتاسيوم ينزل مكانه
 لكن لما يبقا فيه hypo kalemia الشهم اللي هو الهيدروجين يدخل مكانه
 و العكس بالعكس
 المشهد الثاني بقا
 الصوديوم خلاص دخل
 المشهد الاول كده بنحل مشكلة دخول الصوديوم

الصوديوم دخل حبا في مين ؟؟؟ ♥ حبا في البيكرب
هو داخل ثاني ليه ؟؟؟ عشان ال HCO_3
يقوم علطول الصوديوم يروح للبيكرب
عشان كده البيكرب هو ايه بقا ؟؟؟ المحفوظ
البيكرب ده هفأ بس حظه انه حبيب ♥♥♥♥♥ الزعيم
شوفت بقا ☺
عشان كده محدش قادر يكلمه
شوفت
المهم الصوديوم والبيكربونات يتحدوا مع بعض
يقوم طبعا البيكرب المحفوظ ماشي مع الزعيم محدش يقدر يكلمه
عشان كده الكلية مبتفرطش فيه
عشان كده لو حصل لواحد فينا alkalosis
يعني لو انا حصلي دلوقتي alkalosis بكل بساطة الكلية المفروض تعمل ايه ؟؟؟
هاخرج البيكرب
صح ولا غلط ؟؟؟
دلوقتي لو حصل alkalosis تقوم الاعضاء كلها الي في الجسم تعمل اجتماع يا كلية يا كلية
انتي واجبك دلوقتي كا kidney انتي الي بتنظمي الحاجات دي انك تنزلي البيكرب
تقوم ال kidney تقولهم ايه ؟؟؟
أه فعلا يا جماعة انا عارفة ان واجبي اني انزل البيكرب
بس معلش يا جماعة انا مش هاقدر
ليه يا kidney مش هتقدري ؟؟؟
معلش يا جماعة اعفوني من الأسباب بس انا مش هاقدر
يقوم عضو وهو قاعد كده في الاجتماع يقول لل kidney يا kidney انتي بتحبي البيكرب ؟؟؟
تقوم ال kidney يبدأ **وشها يحمر** ☹ تقول بصراحة لا
امال ايه ؟؟؟
بصراحة يا جماعة انا مش هانزل البيكرب ليس حبا في البيكرب ولكن حبا في مين بقا ؟؟ حبا في الزعيم
انت عارف عشان كده لما تيجي تعالج حالة زي دي تعمل ايه ؟؟؟
تنزل الصوديوم
تخلي ال kidney تكره الصوديوم الاول
تقوم منزلة الصوديوم يقوم نازل ايه ؟؟؟ البيكرب معاها
شوفت بقا ☺
عشان كده متستغربش كثير لما تلاقي واحد عنده Metabolic alkalosis واحنا بنديله ايه ؟؟
انت لما تحب توقع بين اثنين بيحبوا بعض تعمل ايه ؟؟؟
دلوقتي انت ال kidney بتحب الصوديوم
انا مليش دعوة بالصوديوم ... انا عايز البيكرب ده
ما هو الصوديوم ماسك في البيكرب ده
اقوم اعمل ايه بقا ؟؟؟
اقرف الكلية من الصوديوم
انت مثلا لما يجيلك واحد كل شهر مرة ... تشتتاله ♥
لكن لو كل يوم كل يوم ؟؟؟ هتزهق منه وتكرهه صح ولا انا غلط
اهو ده الي بيحصل
انتي بتحبي الصوديوم يا كلية ؟؟؟ طب خدي بقا صوديوم صوديوم

saline ملح لغاية ما تزهق من الصوديوم

ايه الأرف ده هو كل يوم ملح ملح

تقوم ارفانة من الصوديوم ورمياه بره

شوفت بقا

يقوم الصوديوم نازل مع مين ؟؟؟ ينزل مع البيكرب

شوفت

دي حدوتة حبيت اقولها في الاول

انت في الامتحان مش هتقعد تقوله الحدوتة والكلام ده

الدكتور ايه يا بني ؟؟؟ شهم ايه يا بني ؟؟؟

تقوله اصل الحدوتة دي شدتني اوي

لكن لما تيجي تكتب في النظري بقا

هتكتب كلام كالأتي ان شاء الله

ال Acid base balance لما يجي سؤال على بعضه او يجي متفصل

يعني ايه ؟؟

لما يجي يقولك Metabolic acidosis لما Metabolic alkalosis respiratory acidosis لما respiratory alkalosis

الalkalosis

ونبدأ بأهم حاجة الي هي لو جه سؤال لوحده هيبقا ده

ال Metabolic Acidosis

من الأسم كده metabolic acidosis يبقا المشكلة مشكلة فين ؟؟؟ المشكلة مشكلة في ال kidney او بره ال respiration

يعني المشكلة مش في الرئة خالص

ونبدأ بال etiology بتاع ال metabolic acidosis

أول سبب يعمل Metabolic acidosis

طبعا يبقا بيستهبل ويبقا بيهرج وتبقا فضيحة للي ميكتبش اول حاجة Chronic renal failure

لأنه بيعمل H ions retention

ده اول سبب يعمل acidosis طبعا

رقم اتنين ... وانت قاعد بتفكر في الامتحان كان فيه حاجة بتعمل acidosis كان فيه حاجة بتعمل acidosis

تلاقي موضوع مهم اوووي الي هو diabetic keto acidosis

لأن فيه طبعا ال keton bodies

وال acteo acetic acid والمشاكل ده

رقم ثلاثة ال heart failure

ال Heart failure تقولي بيعمل acidosis ؟؟؟ أقولك أه بيعمل

ال heart failure أو أي حالة فيها Low cardiac out put أوووي أو أي حالة فيها Anemia أو أي حالة فيها shock

لأن ال Heart failure بيعمل ايه ؟؟؟ بيعمل Low cardiac out put

و Low cardiac out put يعني ايه ؟؟ ischaemia

وال ischaemia يعني ايه ؟؟؟ Hypoxia

وال hypoxia يعني ايه ؟؟؟ يعني الجسم مش لاقى أوكسجين

واخذين بالكلمة؟؟؟
 فيعتمد ال Metabolism بتاعه على ال an aerobic pathway
 المنتج النهائي لل an aerobic pathway هو ايه؟؟؟ ال lactic acid
 وال acid ده حمض
 وبالتالي
 ال Heart failure بيعمل acidosis
 ليه؟؟؟ لان فيه Ischaemia تعمل Hypoxia وال Hypoxia تخلي الجسم يعتمد على ال an aerobic pathway وال an aerobic pathway
 ال lactic acidosis aerobic pathway ال lactic acidosis ال lactic acidosis ال lactic acidosis ال lactic acidosis ال lactic acidosis
 واخذين بالكلمة الي هو السيدوفاج بيعمل نفس الحكاية
 بيعمل tissue hypoxia فيعمل lactic acidosis ده رقم ثلاثة بقا
 رقم أربعة ... أبسط من كده
 ال diarrhea
 هو ال diarrhea يعني ايه؟؟؟ يعني يفقد alkali... يفقد قلوبات
 رقم خمسة أنه يبقى فيه مرض اسمه ايه بقا؟؟؟
 ال acute tubular acidosis او ال renal tubular acidosis
 انتوا واخذين بالكلمة
 ده الي هو ايه المرض ده؟؟؟
 ده مرض ان الكلية بتبقى سليمة ... هو Isolated defect
 ال Kidney سليمة لكن مشكلة ال kidney ايه؟؟؟ مشكلة ال kidney انها مش قادرة تخرج الهيدروجين ربنا خلقها كده
 بس بتعمل كل حاجة
 بتخرج البوتاسيوم بتخرج الفوسفات بتخرج اليوريا بتخرج الكرياتينين كل حاجة
 لكن هي عندها defect صغير Isolated defect
 مش قادرة تخرج ايه؟؟
 مش قادرة تخرج ال H ions
 فتلاقي الراجل ده عنده acidosis لكن الكلية سليمة
 معايا ولا مش معايا
 كده خمس حاجات
 لو عايز تزود حاجة ستة
 ممكن ال Hyper kalemia
 ما احنا قولنا اسباب ال hyper kalemia تعمل ايه؟؟ acidosis
 بكل اسبابها بقا
 بس انا عايز اقولهم خمس حاجات عشان المسائل تمشي خمسة اتنين خمسة اتنين
 يعني ال etiology خمس حاجات
 يبقى ال clinical picture حاجتين
 يبقى ال investigation خمس حاجات
 يبقى ال treatment حاجتين
 تمشي خمسة اتنين خمسة اتنين
 بقولك ايه ☺ لو عايز تخليهم ستة خليه ستة مش فارقة معايا

ال clinical picture

حاجتين

يعني اظن ال clinical picture هتبقا كام حاجة ؟؟ هما حاجتين
الحاجة الاولى

ال clinical picture of the cause

واظن لما تقول ال clinical picture of the cause المفروض تفرح جداااa

لأنك لما تيجي تبص 😊 على الخمس اسباب كلهم مواضيع مهمة
يعني على فكرة السؤال ده حلو اوووي في الامتحان

يعني بجد لو واحد واعى يبسط الامتحان السؤال الاول اللي يخطر على دماغه ال Metabolic acidosis
هتيجي تشوف الخمس اسباب كلهم مهمين

chronic renal failure اهم موضوع في ال nephrology

Diabetic keto acidosis اهم موضوع في ال endocrine

Heart failure اهم موضوع في ال cardiology

Diarrhea اهم موضوع في ال GIT

Isolated tubular acidosis احنا لسه قابليينه حالا

يعني هتلاقي خصب ممكن يجي في الامتحان

يبقا رقم واحد clinical picture of the cause

هنتكلم عنهم ك differential diagnosis العادي

نص صفحة نص صفحة وهكذا

الحاجة الثانية في ال clinical pictures

دلوقتي العضوين المسؤولين عن ال PH ايه ؟؟ الكلية والرئة
الكلية انضربت

طب الرئة بقا ...تقوم الرئة واجبها دلوقتي تعمل ايه ؟؟؟ hyper ventilation

مش احنا قولنا ال acidosis يعمل Hyper ventilation

يبقا رقم اتنين ... تلاقي الراجل ده عنده hyper ventilation

يعني ايه Hyper ventilation ؟؟؟ rapid deep respiration

عشان يعمل ايه في ال CO2 ؟؟؟ يطلعه يعمل Wash of CO2

ال Investigations

نقف بقا وقفة

هم كام حاجة ؟؟؟ خمس حاجات

انا يهمني اول تلت حاجات وبنفس الترتيب اللي هاقول عليه ... الترتيب ده

عشان تعرف تشخص أي حالة من حالات ال Acid base balance

بنفس الترتيب ده

رقم واحد وعينك عليها واول حاجة تقولها ال PH

طبعا ال PH لو قليلة خلاص acidosis

لو عالية.... alkalosis

لكن هل تعرف تقولي هل هي Metabolic ولا respiratory بال PH ؟؟؟ لا لا لا

رقم اثنين هخيركم بين حاجتين اختاروا واحدة فيهم

هل هشوف ال CO2 ولا أشوف ال HCO3 البيكرب ؟؟؟

ايهم اهم ؟؟؟

الأتين هتشوفهم على فكرة

بس النهون (حزالثوم) اللي هاشوفه تاني حاجة ؟؟؟

البيكرب ولا ال CO2 ؟؟؟

الي تشوفه في الاول بعد ال PH البيكرب HCO3 لأن انت لو اعتمدت على ال CO2 هيخدعك

يعني ايه ؟؟؟ انت بتشوف ال HCO3 لو لقيته Normal يبقى المشكلة مش في الكلية

إذا المشكلة في 100% في ال Lung

والعكس بالعكس

يعني لو لقيت ال CO2 كان normal يبقى المشكلة في ال kidney ؟؟؟

ولو لقيته متغير ؟؟؟ يبقى المشكلة في ال kidney ؟؟؟

في ال Lung مش شرط

ال CO2 داها يخدعك لكن ال HCO3 مش هيخدعك

انت واخذ بالك

انت هتفهمها دلوقتي ان شاء الله

يعني مثلا في ال Metabolic acidosis هتلاقي ال PH مالها ؟؟؟ قليلة

وال HCO3 دا Metabolic ... يبقى ال HCO3 متغير

طبعا لأنها acidosis هتلاقي ال HCO3 قليل

إنما ال CO2 ده Metabolic ... يعني الرئة سليمة يبقى هتلاقي CO2 normal

صح ؟؟؟

أحيانا بقا متلاقيش ال CO2 يكون Normal انما تلاقيه ايه ؟؟؟ قليل

ليه قليل ؟؟؟ عشان حصل compensation

شوفت بقا

لو انت شوفت ال CO2 في الاول هتلاقيه قليل تقول الله دا ال CO2 متغير يبقى المشكلة في الرئة

والمشكلة اصلا في ال Kidney طب ال CO2 اتغير ليه ؟؟؟ compensation

عشان كده عشان تسهل على نفسك المسائل

اكتب PH قليل.... ال HCO3 تاني حاجة بتشوفها بتكون قليلة

ال CO2 بيبكون Normal

في حالات ال compensation ممكن تلاقي ال CO2 قل شوية

تاني عشان خاطرك يا اللي بتقرا

ال PH بيبقا قليل ال HCO3 قليل طالما لقيته قليل او عالي زيادة عن اللزوم يبقى المشكلة Metabolic

قليل بيبقا Metabolic acidosis

عالي يبقا Metabolic alkalosis

ال CO2 ... هنا بقول المرض اسمه ايه ؟؟ metabolic acidosis يعني المشكلة فين ؟؟
في ال kidney ... اذا ال CO2 هيطلع Normal
لأن الرئة سليمة
ولكن أحيانا بقا
أحيانا يحصل compensation الرئة تعمل compensation
compensation ازاى ؟؟؟ تخرج ال CO2 wash of CO2 تلاقي ال CO2 قليل دا لو حصل compensation

إذا أنت عينك على ال HCO3
هتقولي ما انا ممكن في الامتحان انسى
وانا في الامتحان اروح كاتب ال PH اول حاجة واروح انسى هي كانت ال HCO3 ولا ال CO2 ؟؟؟ وتقعده تفتكر الحصة دي وتقعده تفتكر التفريغ ده
؟؟؟ متفتكرش غير انه من طب الأزهر
عشان كده هاقولها لك بطريقة سهلة اوووي إن شاء الله
انت اول حاجة بتكتبها في الامتحان ال PH الحرف الثاني في ال PH هو ايه ؟؟؟ ال H ... كمل بعديه يبقا ال HCO3
الحرف الثاني في ال HCO3 هو ايه ؟؟؟ ال C يبقا CO2 بعد ال HCO3 بقا
واحد بالك انت كده دول اول ثلاثة معايا

رقم اربعة البوتاسيوم ... مش هنقول بيحصل فيه ايه ما احنا لسه قايلين الحدوتة بقا
لو بعد الحدوتة دي كلها معرفناش البوتاسيوم ايه اللي بيحصل فيه تبقا فضيحة
acidosis يبقا البوتاسيوم هيجصل hyper kalemia هتلاقي البوتاسيوم عالي
صح ... بص ال hypo kalemia تعمل alkalosis وال Hypo kalemia خلاص

hyper kalemia تعمل acidosis وال acidosis تعمل Hyper kalemia خلاص
يعني البوتاسيوم يبقا عالي في حالات ال acidosis البوتاسيوم عالي

انا دلوقتي لو عندي acidosis
ما الهيدروجين والبوتاسيوم الاتنين اتفقوا مع بعض
انا دلوقتي عندي acidosis ماشي يبقا ال H عندي كثير خلاص انزل انت بقا
يبقا سيب البوتاسيوم يبقا البوتاسيوم عالي
او العكس بالعكس بالعكس

انا هاقولها لك بطريقة سهلة جدا!!!!!!

انت عندك دلوقتي
ال H عالي وعندك بوتاسيوم وعندك صوديوم
مين الزعيم ؟؟؟ الصوديوم هو كده كده محدش بيقدرك بكمه
يبقا مين اللي بيتكملوا مع بعض ... البوتاسيوم وال H ions يقوموا قاعدين مع بعض
يقولوا بصوا يا جماعة ☺ احنا لازم عشان نتغلب على الزعيم لازم نتحد مع بعض
العالي ينزل خلاص يا اخوانا
الاتنين بيتفقوا مع بعض انت واحد بالك الاتنين Parallel to each other
زي ما قولتلك

الصوديوم دخل ده الزعيم محدش يقدر يكلمه
مين اللي يتبقا؟؟؟؟ البوتاسيوم وال H ions
الأتنين يقعدوا مع بعض ... بص يا بوتاسيوم و H ions احنا ملناش الا بعض
الصوديوم محدش هيقدر يكلمه دا زعيم
البوتاسيوم يقوله يعني ايه؟؟؟ يقوله انت مثلا لما تلاقي نفسك زايد.... انت ازيد مني ابقا انزل انت
وانا لما الاقي نفسي زايد هانزل انا
انتوا واخدين بالكم عشان كده ال acidosis يعمل Hyper kalemia وال Hyper kalemia يعمل acidosis
يعني سهم رايح جاي
hyper kalemia يعمل acidosis
acidosis تعمل hyper kalemia

Hypo kalemia تعمل alkalosis
alkalosis تعمل Hypo kalemia

خلاص كده يا شباب
طب الحمد لله رب العالمين
اللهم صلي على سيدنا محمد وعلى اله وصحبه وسلم

خامس حاجة في ال Investigations

investigations for the cause

واظن ان دي سهلة اوووي ... انت عندك الاسباب المفروض تكون حافظها دلوقتي صم Diabetic keto وال chronic renal failure
heart failure ال acidosis

معايا ولا مش معايا
يا جماعة دي ميزة الاسئلة الكبيرة كده عنوانين
فتلاقي نفسك لو مش مذاكر غير عنوانين تسد اوووي في الامتحانات اللي زي كده
الي مذاكر كويس جدا يطلع من اسئلة ال differential diagnosis يسب ويلعن على اللي حاطط الامتحان لانه عارف كلام كتير اوووي مش
هيكتبه
لكن اللي مذاكر عنوانين ده بقا يعني مزاجه دولسي كتب اللي يعرفه
ويقولك الوقت كان طويل اوووي وكان عايز يكتب اكثر من كده ودي معلوماته
وعلى فكرة الباطنة كده عايز تكون عارف العنوانين كويس

بعد كده ال treatment

ال treatment هيبقا كام كلمة؟؟؟
كلمتين
طبعا الكلمة الاولى
ال treatment هيبقا ايه؟؟؟ كلمتين وايه؟؟؟ كلمتين وبس ده نظام الاذاعة ☺ نظام فؤاد المهندس .. لا... ال treatment كلمتين واتنين N.B.
يعني لما يجي يقولك في الامتحان تعرف تقولي ال treatment of metabolic acidosis قوله اه
عندنا كلمتين واتنين N.B.
يقولك برافو عليك
بس ايه هما؟؟؟؟ قوله مش قادر اتذكرهم دلوقتي بس هما كلمتين واتنين N.B.

هيقولك برفاو عليك وخلاص

ايه هما بقا الكلمتين دول ???

طبعا رقم واحد treatment of the cause ونبقا فرحانين اوووي واحنا بنكتبها عشان كل الاسباب عارفين اجابتها chronic renal failure مين الي في البكالوريوس مش عارفه وال Diabetic keto acidosis مين الي مش عارفه وهكذا

رقم اتنين واحد عنده acidosis هتديله ايه ؟؟؟؟
NaHCO₃ مش معقولة هتديله حمض ملحي يعني
NaHCO₃ خلاص كده يا ريس

طب الاتنين ال N.B.

ال N.B. الأولى الي هي ايه ؟؟؟ في حالات ال chronic renal failure ما هو ده اول سبب ... اهم سبب كان بيعمل ايه Metabolic acidosis ؟؟؟

في هذه الحالة هيجيلك العيان.... هتقوم هو عنده acidosis
تقوم تديله ايه ؟؟؟ بيكرب

يقوم يجيله ايه على الترابيزة ؟؟ tetany

عشان كده يقولك وانت بتعالج ال acidosis بتاعت ال chronic renal failure ادي NaHCO₃ ولكن لازم تدي كالسيوم صح ولا غلط فاكرين طبعا القصة دي ليه ؟؟؟

لأن أساسا ال chronic renal failure بيبقا عنده ايه ؟؟ عنده Hypo calcemia وعنده acidosis
ولكن هل عنده tetany ؟؟؟ لا لأن ال hypo calcemia الي عنده ال acidosis بيعوضها

بيعوضها ازاى ؟؟؟ انه بيحول ال non ionized calcium الى Ionized calcium
هيجيلي يروح للدكتور ...

يقوم الدكتور كده شاطر ...يقوم يديله بيكرب ...صلح ال acidosis لكن ساب ايه ؟؟؟ ال hypo calcemia يجيله tetany

عشان كده يقولك وانت في ال chronic renal failure بتدي ال NaHCO₃ وادي كمان معاها Calcium

رقم اتنين في ال N.B. ثاني مرض مهم في ال metabolic acidosis كان ال DKA ال DKA كنا بنعالجه ازاى ؟؟؟ انظر كتاب
ال endocrine هتلاقي خمس حاجات

اول حاجة انسولين وبعدين مش عارف saline وبعدين بندي بوتاسيوم وبعدين بنعالج ال precipitating factors وبعدين بندي البيكرب

في ال DKA خلي بالك دايما ان البيكرب not essential
يعني البيكرب مش مهم اوووي

مع ان Logic كده ونظريا لما تيجي تقولي واحد عنده diabetic keto acidosis يقولك acidosis يبقا وانت مغمض ادي
bicarbonate

لكن البيكرب هنا مش essential

لأن الانسولين لوحده يكفي انه يظبط ال acidosis

يعني الانسولين لوحده يظبط
ساعات تلاقي الدكتور يجيله واحد عنده diabetic keto acidosis خد انسولين
ويدي كمان ... الله دا انت عندك acidosis يدي كمان بيكرب
يقوم العيان يخش في sever alkalosis
البيكرب يجيب alkalosis والانسولين يجيب alkalosis الانسان يخش في alkalosis
هتلاقي العيان يبص حتى للدكتور نظرة عتاب ☹️ ليه يا دكتور ☹️
يعني انا جايلك ب diabetic keto acidosis ليه اموت ب alkalosis
يعني انت واخذ بالك
عشان كده يقولك البيكرب مش essential اوووي
انت بتدي البيكرب لو الحالة sever اوووي
انما في الحالات العادية في diabetic keto acidosis العادي ال bicarbonates are not essential مش ضرورية
ادي ال metabolic acidosis

نخش على رقم اثنين

الموضوع الثاني ال metabolic alkalosis

بيني وبينك الهم في الامتحان لو هيجيلك سؤال وحده هو ال Metabolic acidosis
على فكرة تحس انه موضوع سهل مش صعب
يعني بالاسلوب ده
بس هو فعلا هتلاقي اي source مكتوب فيه بطريقة بايخة
metabolic alkalosis
اول حاجة etiology
ايه الحاجات الي تعمل metabolic alkalosis ???
طبعا رقم واحد يعني اول حاجة لو جالي السؤال دا وانا مش عارف رقم واحد هيبقا ايه ؟؟ يعني ايه Metabolic alkalosis ??? يعني بفقد
أحماض ... بفقد أحماض
هو الواحد بيرجع منين ??? من المعدة بتاعته المعدة مليانة ايه ??? احماض
بيفقدوها ... ادي رقم واحد

رقم اثنين ما الابطس من كده واحد شال المعدة اصلا
يعني gastroectomy شالها طبعا لاي مرض

رقم ثلاثة ايه كمان الي يعمل Metabolic alkalosis لسه قايلنها حالا
الي هي ال hypo kalemia

رقم اربعة واحد بياخد بيكرب كثير صح ولا انا غلط
البيكرب عنده كثير يعمل alkalosis

خلاص كده يبقى دول الاربع اسباب ممكن يعملولي Metabolic alkalosis
 vomiting , gastroectomy او Hypo kalemia بكل اسبابها بقا ال hypo kalemia على فكرة دا انظر ال endocrine
 هتلاقي ال Hypo kalemia كتير اوووي فيه cushing و conn's و diuretics و aspiration وحاجات زي كده
 او واحد بياخد بيكرب رقم اربعة ادي بقا ال etiology

خش بعد كده على ال

clinical pictures

ال clinical pictures
 كلمة واحدة او ممكن كلمتين
 pictures of the cause وتتكلم بقا عن ال cushing او ال conn's واتكلم بقا كلمتين
 كلمتين ولكن الكلمة الأهم
 ايه الكلمة اللي لو نسيته... على فكرة اللي بجيب سؤال Metabolic alkalosis في الامتحان جايه عشان الكلمة دي tetany
 ساعات وهو قاعد في الامتحان عايز يجيب tetany اللي هو ca hypo para thyroidism انتوا واخدين بالكم عادي يعني
 بس ساعات لما يبقا واحد مستوي tetany لا... ممكن يبقا فيه ناس مذاكرينها
 اعمل ايه اعمل ايه؟؟؟ ويقعد يقطع في ورقة الأسئلة كل شوية
 ويرمي الورقة ويكون عايز يجيب سؤال صعب ويتجنن يقوم يجيبك ايه؟؟؟ هو ده metabolic alkalosis
 ال metabolic alkalosis هو عايز ايه؟؟؟ tetany بالتفصيل
 حتى ال tetany في هذه الحالة بنسميه normo calcemic tetany شوفت بقا
 Normo calcemic لان ال tetany يعني الكالسيوم قليل
 لأ ما ممكن يبقا فيه tetany ب Mg قليل او alkalosis
 ارجع see endocrine هتلاقي الكلام ده مكتوب
 هتتكلم عن ال tetany بالتفصيل
 ال metabolic alkalosis عايز tetany
 ال Metabolic alkalosis عايز الخمس مواضيع اللي قولتهم من شوية

Investigations

اظن الكلام سهل
 رقم واحد هنبص على ايه؟؟؟ PH
 رقم اثنين ال HCO_3
 رقم ثلاثة ال CO_2
 ال PH هتلاقيها ايه في ال alkalosis؟؟؟ عالية
 ال HCO_3 ؟؟؟ ده metabolic alkalosis يبقا عالي

ال CO2 ؟؟ normal لكن احيانا هو عنده alkalosis هتلاقيه بيزيدتلاقي ال CO2 بيزيد

رقم أربعةالبوتاسيوم alkalosisبيقا البوتاسيوم واطي
بيقا احنا قولنا مننشهال خالص بقا
hypo kalemia تعمل alkalosis
hyper kalemia تعمل acidosis
بيقا البوتاسيوم واطي في ال alkalosis

رقم خمسة Investigations for the cause

treatment

لسه قابليته تعمل ايه ؟؟ تعالج السبب وتدي صوديوم
ليه صوديوم ؟؟؟ ما احنا قولنا عشان نأرف ال kidney
خلاص يا اخوانا

ال Respiratory acidosis

ال respiratory acidosis يعني المشكلة فين ؟؟؟

على فكرة ال respiratory acidosis تحس انه سؤال chest مش kidney يعني

respiratory acidosis ... يعني ايه acidosis ؟؟؟ يعني الاحماض زادت

يعني ايه الاحماض زادت بسبب ايه ؟؟؟ ال CO2 زاد

بسبب انه حصل فيه CO2 retention

وهو ال CO2 retention يزيد امتي ؟؟؟ لما الرئة متبقاش شغالة كويس... يعني لما يحصل فيها hypo ventilation مبتعملش wash

ال CO2 ال CO2 كتر فعملي alkalosis

فلما يجي يقولك ايه الاسباب الي بتعمل respiratory acidosis

قوله الاسباب الي بتعمل Hypo ventilation

يقولك ايه هي ؟؟؟ قوله انظر ال chest

الي هي ايه انظر ال chest ؟؟؟؟ كان COPD بالذات type 2 الي هو Blue bloter الي هو أزرق ومنفوخ لو انتوا فاكرين type 2

COPD دا كان بيعمل hypo ventilation

وتتكلم بقا عن type 2 وكل حاجة

ال investigations

لو واحد سوي هيقولك اتكلم عن ال COPD لكن لو الدكتور ده غير سوي يعني الي هو هالين عليه يجيبلك طب شرعي في الامتحان يعني امتحان باطنة وتخش تلاقي مثلا طب شرعي

طبعا هيقوم جابيلك ... اعمل ايه ؟؟؟ COPD هيقوا مذاكرينها ولاد اللذينة

يقوم يقولك ايه بقا ... لا respiratory acidosis

شوفتوا اللفة عاملة ازاي ؟؟؟

وعلى نفس الوزن ال respiratory alkalosis هنا بقا العكس

هنا كل الأسباب التي بتعمل dyspnea
 ممكن يكون عايز يجيبك في الامتحان سؤال dyspnea يقول ال dyspnea هيبقوا مذاكرينها ولاد اللذينة
 ناس قالولهم ال dyspnea مهمة وهيذاكروها
 طب اعمل؟؟؟ بيقا respiratory alkalosis
 ما هو ال respiratory alkalosis يعني ايه؟؟؟ يعني ال CO2 بيطلع يعني فيه wash لل CO2 وامتي يحصل wash لل CO2 لما
 يحصل Hyper ventilation
 يعني ايه hyper ventilation يعني dyspnea
 كل أسباب ال dyspnea سواء الهسريكال سواء كل امراض ال chest بتعمل dyspnea كل امراض ال cardiology لما تبقا المصيبة في
 الجهة الشمال left sided heart failure اي حاجة بتعمل Pulmonary congestion ممكن لو فيه pregenant female
 ممكن لو فيه ascites ممكن تعمل dyspnea
 شوفتوا بتعملك ايه respiratory alkalosis
 خلي بالك سؤال سهل
 وتكتب ايه كمان ال clinical picture
 ال clinical picture of the cause and tetany
 شوفت بقا
 انت عارف الهيستريكال زي ايه؟؟؟ ساعات تلاقي واحد مثال دخل الامتحان شاف ورقة الاسئلة
 احنا طبعنا بنقول بيقا كويس لو لقيت كل الاسئلة انت عارفها ما عدا سؤال
 ممكن بيقا واحد قرب من العملية العكس بقا
 كل الاسئلة هو مش عارفها ما عدا سؤال
 انت واخذ بالك ده بقا هيجيله ايه؟؟ حالة هيسترية
 الحالة الهيسترية هتجيبه ايه؟؟ dyspnea
 تلاقيه قاعد جنبك كده في اللجنة وبدأ يتشنج لأنه دخل في ايه؟؟ في tetany
 عارف بتعمل ايه اول حاجة؟؟؟
 تقوم جايب كيس وحاحطه على وشه
 بس اوعي تنسي الكيس
 احسن تكون قاعد بتحل في الامتحان والمرحوم قاعد جنبك 😊
 او تجيب الكيس وتخرم خرم صغير كده بحيث انه ميموتش كده ولا حاجة
 كده بيقا خلص الموضوع
 يا رب يكون الكلام واضح وبسيط وسهل ويارب لو كنت غلطت في نقل حاجة معذرة بدون قصد

سبحان الله وبحمده سبحان الله العظيم

**** عسى أحدهم ربه دهرًا ثم تاب فقال رب كم أذنبت وما عاقبتني ؟؟؟!!!!
 فأوحى الله إلى نبيه ليخبره "يا مسكين كم عاقبتك وأنت لا تدري ، ألم أحرمك حلاوة مناجاتي ولذيذ كلامي " ****

تم بحمد الله الإنتهاء من ال Acid base balance

لمزيد من المواد المفروغة
على الفيس بوك
صفحة تفريغ المواد الطبية
نحبكم في الله

<http://www.facebook.com/dr.tafreagh>

إذا عجبك أي شيء متفرغ تابع لصفحة تفريغ المواد الطبية أو جروب تفريغ المواد الطبية
وحبيت حضرتك تنقله اتفضل
بذكر المصدر أو بدون
المهم أن المعلومة توصل لغيرك
واحتسب إنك بتوصل معلومة لغيرك
وإن شاء الله لك من الأجر الكثير بإذن الله
ويكون في خدمة الإسلام والمسلمين
اللهم اجعل عملنا خالصاً لوجهك الكريم
اللهم آمين
😊 سلام بقا